

衛生集

衛生集

余覺



民國二十年八月初版印一萬冊

任印功德芳名列後

眞達老和尚三千冊 郭涵齋居士三千冊

齊樸農居士五百冊 曹德淨居士五百冊

徐積餘居士二百冊 邱達三居士二百冊

童廉讓居士五十元 劉廉生居士四十元

問心居士十元 徐惠民居士十元

普爲回向偈曰

願以此功德 莊嚴佛淨土

上報四重恩 下濟三途苦

若有見聞者 悉發菩提心

盡此一報身 同生極樂國

衛生集全冊

藏版處

印刷處

流通處

蘇州護龍街南段
弘化社
穿心街報國寺內

上海新大沽路六七一號
國光印書局
電話 三三七四三號

國光印書局

蘇州弘化社

衛生集重刊序

天地閒完全一團太和元氣、故風雨順時、穀麥豐熟、動植諸物、悉得生育。人若體此以行、固不愧與天地並立爲三而稱三才。以茲自衛衛他、俾一切含識、悉得其所、共樂天真。非所謂繼往開來、以先覺覺後覺、補天地之缺陷、贊天地之化育者哉。而世人因貪口腹、取彼水陸空行諸物、殺而食之、以期悅我口腹、衛我生命、則欲求衛生、適得其反。由殺生故、大千天和戾氣所感、致有水旱瘟疫等天災。殺業所結、發生彼此戰鬪之人禍。究此災禍之由、總因宿世現生殺生食肉之所致。食肉之禍、極酷極烈、不但害及現生、而復累及多劫。凡欲自衛其生者、可不以普衛一切水陸空行諸生乎哉。食肉衛生、大是異事、由習慣故、視以爲常。如非洲人殺人供膳、彼地之人、恬不爲怪。緬昔聖人在位、則曰鳥獸魚鼈咸若。若者、順也。咸若者、咸令順其天性、不罹殺害之苦、與驚竄之怖也。此誠所謂乾爲大父、坤爲大母、民吾同胞、物吾與也之懷抱也。若此、可不名之爲大衛生家乎。惜今之衛生者、戕彼生而衛我生、卒致現生後

世苦報無窮。人羊轉轂。強弱遞換。盡未來際。亦難了結。於是古今縑素各大衛生家。咸皆提倡愛物行慈。戒殺放生。持齋茹素。信願念佛。實爲究竟衛生。至極圓滿之義舉也。華梧棲居士篤信佛法。修持淨業。欲挽世道人心。特輯古今名人言論。及殺生放生種種果報名之曰衛生集。冀世人欲自衛其生。先當衛彼水陸空行諸生。則其自衛不但止及現身。將使生生世世。凡所生處。悉各吉祥。無諸災禍。若又念佛。以此衛生功德。回向往生。當可了生脫死。超凡入聖。斷盡煩惱。得大無畏。普爲一切孤露無依之六道衆生。以作護衛。此命名衛生之微義也。郭涵齋居士以近來殺劫彌漫。了無底止。欲流通此集。冀閱者咸發衛生之心。以息殺劫而正風化。祈余爲校。因稍更正其次序。名稱卷數。又附前人所批數段於各文之下。附唐人勸孝歌。及八反歌。於後。俾各重衛生。各敦孝思。以廣仁德。以報親恩。而一切衆生。皆有佛性。皆當作佛。皆是過去父母。未來諸佛。尤當推廣孝敬之心。以期究竟自衛衛生云爾。

民國二十年辛未仲夏古莘常慚愧僧釋印光謹撰

衛生集序一

聞之天地之大德曰生、統含生負氣之倫、凡走者、飛者、介者、鱗者、蠕動者、苑枯者、莫不熙熙然、以蕃以息於天地之間。而其閒稟五行之秀、得二氣之靈者、惟人。人爲天地之心、是宜體天地生生之德、以大其涵濡、順其長育。是故王者行慶施惠、非徒澤及兆民、抑且恩周百族、毋焚山林、毋濫陂池、毋殺胎、毋覆巢、無非體天地大生廣生之德、以宏其愛養之仁而已。乃世之耽於口腹者、每云天地生物以養人、殺之曾不一憐。嗟乎、是烏知天地生物之心者哉。獨不見夫宰割炮烙時、或乞命於刀鋸之餘、或奮身於鼎鑊之內、痛楚之狀、哀號之聲、且有目不忍睹、耳不忍聞者。一櫛之味、幾何而竟坐視其無罪就死、曾不少加憐憫。是豈仁心爲質者所宜出此。予友梧棲主人、平生最喜放生、乃彙前訓所傳放生果報、合爲一編、顏其額曰衛生。因付之剞劂、俾得流傳不朽、吁、誠盛德事也。世有同志之君子、能踵其事而行之、行見積功無既、而獲福亦非淺鮮矣。時

乾隆戊辰仲秋既望長洲朱朝琛拜序

序二

昔子輿氏云、見其生不忍見其死、凡以含生負氣之倫、莫不樂生而畏死。欲養我之生、而乃促物之生、無論情有未安、於理亦有不順。然此理人人知之、而非太和之氣充積於中、則有志而不克行、或行之而不克久、猶之未行也。予官浙水八年、習聞桑春園觀察素喜放生。雖箋簡往還、閒聆緒論、而未能常見顏色。上年秋、卸長興縣篆、僑寓省垣、始得以暇日會晤。談次、出太上感應篇圖註、暨在官法戒錄、學仕遺規、歸元鏡等書見贈。固已勸懲兼備、無美不收。復於案頭見梧棲老人衛生集、專論放生果報、既詳且晰。其意蓋欲無一物不得其所而後快、且無一人不存好生之德而後更快、漸推漸廣、非僅博恩澤及物之名也。予素秉慈親命、滋味淡薄、牛鼈雞鶩之屬、不登於俎。善念已勃勃欲動、得此書益相與有成。因力矢放生願、並擬刷印多本、以廣其傳。板向存西湖昭慶寺經房、浹晨親往、得晤慧空房主人、嘉樹貽芳兩師、反復

辨論信心愈堅。尤喜其價祇取紙張刷印工本，迥非射利者比。遂決計行之。然後知感應之由，不謀而合。予之矢此願，而兼願印此書者，春園觀察化導之益也。予之矢此願，而兼能印刷多本者，嘉樹貽芳兩師贊助之功也。一善機之流通布濩，莫之致而致也。人也，即天也。書首已有朱序，故一切從略，僅述其緣起如此。

同治甲戌仲夏中浣古潤紫琳氏趙定邦拜序

衛生集卷上目錄

放生文

蓮池大師

戒殺文

附殺生二則 蓮池大師戒及靈驗

好生錄決疑論

周思義

好生錄纂要

周思義

丁蓮侶故鄉消息

十二條放生論

放生門

十二則

戒殺門

六則

殺生門

六則

貪饕門

二則

家畜門

牛

八則 十則

犬

十四則

猪

十八則

羊

六則

驢

一則

馬

一則

貓

一則

鼠

四則

雞

三則

雞子

附四則

鴨

二則

鵝

四則

衛生集卷下目錄

山獸門

虎 一則

鹿 五則

麋 一則

驪 一則

猴 三則

兔 一則

狐 二則

飛禽門

鳥類

則十三

鸚鵡 一則

鴿 二則

鵲 二則

雀 三則

鶴 一則

雁 一則

燕 一則

鶉 一則

雉 一則

鴉 一則

鶴 一則

水族門

鼃 三則

龜 五則

鼈 十四則

魚類

則十二

鯉 五則

鮎 一則

蟹 二則

鱔 六則

鰻 一則

蛙 三則

蝦蟆 一則

蛤蜊 三則

螺螄 二則

蟲類門

蛇 六則

蜈蚣 一則

蜂 二則

蠅 一則

蟻 八則

蠶 二則

蚯蚓 二則

毛蟲 一則

米蟲 一則

蝨 二則

蟲蟲

水蛭 一則

水蛆 一則

唐人勸孝歌及八反歌

親恩歌一篇

唐贊明

後跋

靈效丹方

三十則附

衛生集目錄終

辨論信心愈堅。尤喜其價祇取紙張刷印工本，迥非射利者比。遂決計行之。然後知感應之由，不謀而合。予之矢此願，而兼願印此書者，春園觀察化導之益也。予之矢此願，而兼能印刷多本者，嘉樹貽芳兩師贊助之功也。一善機之流通布濩，莫之致而致也。人也，即天也。書首已有朱序，故一切從略，僅述其緣起如此。

同治甲戌仲夏中浣古潤紫琳氏趙定邦拜序

衛生集卷上目錄

放生文

蓮池大師

戒殺文

附殺生二則 蓮池大師戒及靈驗

好生錄決疑論

周思義

好生錄纂要

周思義

丁蓮侶故鄉消息

十二條放生論

放生門

十二則

戒殺門

六則

殺生門

六則

貪饕門

二則

家畜門

牛

八則 十則

犬

十四則

猪

十八則

羊

六則

驢

一則

馬

一則

貓

一則

鼠

四則

雞

三則

雞子

附四則

鴨

二則

鵝

四則

衛生集卷下目錄

山獸門

虎 一則

鹿 五則

麋 一則

驪 一則

猴 三則

兔 一則

狐 二則

飛禽門

鳥類

則十三

鸚鵡 一則

鴿 二則

鵲 二則

雀 三則

鶴 一則

雁 一則

燕 一則

鶉 一則

雉 一則

鴉 一則

鶴 一則

水族門

鼃 三則

龜 五則

鼈 十四則

魚類 十二則

鯉 五則

鮎 一則

蟹 二則

鱔 六則

鰻 一則

蛙 三則

蝦蟆 一則

蛤蜊 三則

螺螄 二則

蟲類門

蛇 六則

蜈蚣 一則

蜂 二則

蠅 一則

蟻 八則

蠶 二則

蚯蚓 二則

毛蟲 一則

米蟲 一則

蝨 二則

蟲蟲 水蛭 一則

水蛆 一則

唐人勸孝歌及八反歌

親恩歌一篇

唐贊明

後跋

靈效丹方

三十則附

衛生集目錄終

衛生集卷上

古吳華梧棲纂輯

放生文 蓮池大師

蓋聞世間至重者生命。天下最慘者殺傷。是以逢擒則奔。蟻蝨猶知避死。將雨而徙。螻蟻尙且貪生。何乃網於山。罟於淵。多方掩取。曲而鉤。直而矢。百計搜羅。使其膽落。魂飛。母離子散。或囚籠檻。則如處囹圄。或被刀砧。則同臨剮戮。憐兒之鹿。舐瘡痕而寸斷柔腸。畏死之猿。望弓影而雙垂悲淚。恃我強而陵彼弱。理恐非宜。食他肉而補己身心。將安忍。由是昊天垂憫。古聖行仁。解網著於成湯。畜魚興於子產。聖哉流水。潤枯槁以囊泉。悲矣釋迦。代危亡而割肉。天台智者。鑿放生之池。大樹仙人。護棲身之鳥。贖鱗蟲而得度。壽禪師之遺愛猶存。救龍子而傳方。孫真人之慈風未泯。一活蟻也。沙彌易短命爲長年。書生易卑名爲上第。一放龜也。毛軍以臨危而脫難。孔愉以微職而封侯。屈師縱鯉於元村。壽增一紀。隨侯濟蛇於齊野。珠報千金。拯已溺之

蠅。酒匠之死刑免矣。捨將烹之鼈。廚婢之篤疾瘳焉。貿死命於屠家。張提刑魂超天界。易餘生於釣艇。李景文毒解丹砂。孫良嗣解繪繳之危。卜葬而羽蟲交助。潘縣令設江湖之禁。去任而水族悲號。信老免愚民之牲。祥符甘雨。曹溪守獵人之網。道播神州。雀解銜環報恩。狐能臨井授術。乃至殘軀得命。垂白壁以聞經。難地求生。現黃衣而入夢。施皆有報。事匪無徵。載在簡編。昭乎耳目。普願隨所見物。發慈悲心。捐不堅財。行方便事。或恩周多命。則大積陰功。若惠及一蟲。亦何非善事。苟日增而月累。自行廣而福崇。慈滿人寰。名通天府。蕩空怨障。多祉萃於今生。培積善根。餘慶及乎他世。倘更助稱佛號。加諷經文。爲其回向西方。令彼永離惡道。則存心愈大。植德彌深。道業資之速成。蓮臺生其勝品矣。

戒殺文 蓮池大師

人人愛命。物物貪生。何得殺彼形軀。充己口腹。或利刃剖腹。或尖刀刺心。或剝皮刮鱗。或斷喉劈殼。或滾湯活煮。鼈鱉。或鹽酒生醃。蟹蝦。可憐大痛無伸。極苦難忍。造此

彌天惡孽。結成萬世深仇。一旦無常。卽墮地獄。鑊湯鑪炭。劍樹刀山。受罪畢時。仍作畜類。怨怨對報。命命填還。還畢爲人。多病壽夭。我今哀告世人。普勸戒殺。更能隨力放生。加持念佛。不但增崇福德。必當隨願往生。永脫輪迴。功德無量。

殺生七戒文

蓮池大師

一曰生日不宜殺生。哀哀父母。生我劬勞。己身始誕之晨。乃父母垂亡之日。也是日也。正宜戒殺持齋。廣行善事。庶使先亡考妣。早獲超昇。現在椿萱。增延福壽。何得頓忘母難。殺害生靈。上貽累於親下。不利於己。此舉世習行而不覺其非。可爲痛哭流涕。長太息者一也。觀此。今世有生。日而放生者。誠爲延生之善舉也。

二曰生子不宜殺生。凡人無子則悲。有子則喜。不思一切禽畜。亦各愛其子。慶我子生。令他子死。於心安乎。夫嬰孩始生。不爲積福。而反殺生造業。亦太愚矣。此舉世習行而不覺其非。可爲痛哭流涕。長太息者二也。觀此。今世有生。子而放生者。誠爲慈幼之妙法也。

三曰祭先不宜殺生。亡者忌辰。及春秋祭掃。俱當戒殺。以資冥福。殺生以祭。徒增業。

耳。夫八珍羅於前。安能起九泉之遺骨而使之食乎。無益而有害。智者不爲矣。此舉世習行而不覺其非。可爲痛哭流涕長太息者三也。

四曰婚禮。不宜殺生。世間婚禮。曰問名納采。以至成婚。殺生不知其幾。夫婚者。生人之始也。生之始而行殺理。既逆矣。又婚禮吉禮也。吉日而用凶事。不亦慘乎。此舉世習行而不覺其非。可爲痛哭流涕長太息者四也。

五曰燕客。不宜殺生。良辰美景。賢主嘉賓。疏食菜羹。不妨清致。何須廣殺生命。窮極肥甘。笙歌饜飫。於杯盤宰割。怨號於砧几。嗟乎。有人心者。能不悲乎。此舉世習行而不覺其非。可爲痛哭流涕長太息者五也。

六曰祈禳。不宜殺生。世人有疾。殺牲祀神。以祈福祐。不思己之祀神。欲免死而求生也。殺他命而延我命。逆天悖理。莫甚於此矣。夫正直者爲神。神其有私乎。命不可延而殺業具在。種種淫祀。亦復類是。此舉世習行而不覺其非。可爲痛哭流涕長太息者六也。

觀此。今世有患疾。而放生以求愈者。誠爲祈禳之大焉者也。

七曰營生不宜殺生。世人爲衣食故。或畋獵。或漁捕。或屠宰牛羊猪犬等。以資生計。而我觀不作此業者。亦衣亦食。未必其凍餒而死也。殺生營生。神理所殛。以殺昌裕。百無一人。種地獄之深因。受後生之惡報。莫斯爲甚矣。何苦而不別求生計乎。此舉世習行而不覺其非。可爲痛哭流涕長太息者七也。

如上所列。甚拂常情。達人覽之。必以爲確論。倘能全戒。善莫加焉。其或不然。量力除減。或去四五。或禁二三。除一事。則消一業。減一殺。則杜一怨。若未能斷絕腥羶。且先應市買現物。積養慈心。漸入佳境。得斯文者。更望展轉流通。遞相勸化。能勸一人不殺。如救百萬生靈。勸至多人。陰功浩大。善果無窮。但肯信行。決不相賺。每年寫十二月分。粘貼屋壁。一月不殺。則於月下書不殺二字。一月不殺。下善也。一年不殺。中善也。一生不殺。上善也。世代不殺。善之又善者也。普願人人戒殺。隨力放生。則諸佛生歡。萬神加護。地獄爲之頓空。苦海因而長別矣。

范子喬出京。蓮池大師曾爲寫一戒殺手卷。後僕人竊貲。棄卷於武當山龍湫中。神

龜引路復得之而卷竟不濡也。戒殺之靈應何如耶。

錢塘名士鄭圭病中夢舉人陸庸成過訪。時成已死數月。儀從甚盛。問陸授何職。答曰。冥司觀政。因出二書以贈。一爲放生戒殺書。鄭云。此蓮池大師所刻。冥府何以得此。答云。冥主每見世間所刊嘉言善行必紀錄。且頒布遵行。惟恐人之不信受也。君能奉行。病將愈矣。既寤。病自漸減。出好生錄。

好生錄決疑論 周思義

仁民而後愛物

愛物必先愛人。或謂仁民而後愛物。今先務愛物。何也。答曰。古云。仁民易。愛物難。不忍於害物者。必不忍於害人。况布衣無仁民之權。力量惟能及物。以力量所可爲者。而錯過不爲。何異入寶山而空手回乎。

儒教不戒殺生

或謂儒教不聞戒殺。答曰。成湯之解網。子產之畜魚。至於刳胎殺夭。覆巢破卵。禮記